

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 05 (89) май 2009-шин / Кказит буккайссар зуруй цал / джумадуль-аввал 1430-шин. Багъа 15 къ.

ЛАВГМУР

«Ассалам» хъун бансса батІаву хъунни



ялттуса шярваллал имамтал. Мажлисрайн увкІун ия Къакъамациял шярваасса Шазалий тІарикъатрал шейх – Аьбдулвахид афанди.

Мажлисрал ххал диргъунни «Ассалам» казитрал дуллалисса даву ва кказитрал агъамшиву, хаснува зунттал районна шярваллал агъалиначІа. Ихтилат бия «Ассалам» агъалинаву машгъур баврия.

Лавациял имамнал Зубаир-хІажинал барчаллагъ укунни Новостройрал имам ДИУ-лул выпускник ХІасаннухъ ва лакрал райондалия бувкІминнахъ, мажлисраву гъурттушиву дурсса. Ва мукунма тасттикъ бунни, Дагъусттаннай Ислам давриву 50 % - рал даву щаллу дуллай бушиву «Ассалам» кказитрал.

Зубаир-хІажинал увкунни: «Жу хъунмасса хІаллай ялугълай буссияв гъарал лачІунссаннух. Ва хІакъинусса жула мажлисрал ва «Ассалам» кказитрал барачатрал гъарал ларчІунни».

Машааллагъ.

Лавациял райондалий бавтІуну бия «Ассалам» кказит буккулт. Къакъамациял шяраву кказитрал вакилтурасчал бавтІуну бия райондалийсса «Ассалам» чичин кумаг буллалими, рувхІанийсса идаралул чулухами, лагма

Р. ХІамзатовлул цІанийсса библиотекалуву къуртал хъунни Аьрасатнал VII-чинмур конкурс аьраб хатІ къяйдалий чичаврин хас дурсса. Конкурсрай ххув хъуминнал цІарду рирщунни.

Конкурс сакин дурну дия Къавкъазуллал халкъуннал университетрал аьраб мазрал кафедралул хъунаманал Исмяил Ханмурзаевлул. Конкурсрай ккаккан дурсса аьраб мазрайсса чичрурду гъан дурну дия Ухссавнил Къавкъазуллал исламрал университетирттал студенттурал. Исмяил Ханмурзаевлул бувсунни чІарумий давуртту гъан дурсса Дагъусттанал, Чеченнал, Ингушнал, Адыгейнал, Краснодардал ва Ставрополлал студенттурал. КІанал бувсунни, дукІусса шинах бурувгун, гъашину гъан дурсса давурттив чІару хъушиву ва чІяву хъушиву тамаша буллалимигу.

Къуртал хъунни конкурс



Хъинну хъирив багъну кьимат бишлашисса аьлмтурал хІукмулин бувну, I-чинмур кІану буллуно бур ЩайхмухІаммад Исабековлун, Дагъусттаннал исламрал университетрал студентнан. II-чинмур кІану – МухІаммадов Мурадлун – Гъанжиливсса «Институт теологии и между-

народных отношений»-лул студентнан. III –чинмур кІану – Дагъусттаннал пенсионер Рауф Рустамовлун.

Ххув хъуминнал буллуно бур багълул ххирасса бахшишру. Циняв гъуртту-хъуминнангу дуллуну дур бахшишру, ссайгъатру ва м. ц.

Islamrf.ru

ЩяйтІант ляхъан бувну муъминтурайн мусаллатІ баврил савав (натравит баврил)

Аллагъу Тааьланал Расулюллагъ тІайла увссар халкъ хІакъмунин тІайла бацІан бан, миннан рахІму цІимилун. ЩяйтІангу ляхъан бувну мусаллатІ бувссар миннан оьбалларан, ми бйакъин буллай гъалак бан.

Утти, му щяйтІан Аллагъу Тааьланал мукун инсаннан душманну ляхъангу

бувну, душманшивугу бувсун, муъминтурайн мусаллатІ баврил хІикмат, миннал хІал ккакканни. Ми мунин мютІий шайрив къашайрив, му душманну бугъайрив къабугъайрив ххал банни, му душманну бугъяра куну амругу бувну.

Ялагу му мукун мусаллатІ бавриву муъминчувнан хъуншиву, хъншиву лавайшиву дуну тІийри. Масала: Му щяйтІан бакъассания муъминчувнал муъминшиву къакІулхъунссия. Мунал къадру-къимат къакІулхъунссия. Мунал

ххирашиву загъир къахъанантІиссия. Оьма, хъинма личІи къахъанантІиссия, цІу дакъассания оьдрал тІаннул къанкъ загъир къашайсса кунна, цІарайн дургъуну дакъа. Му мусаллатІ бавриву муъминчунал даража хъунмассар. Мунищал хилипшиву дурну (мунин къарши увккуну), мунил тІимур къабарча, Аллагъу рязи шануй тІий. Мунил тІимур бувну, аьйкъин увну, маьсия-травун агъарчагу, муния пашман хъуну тавба дарча, му щяйтІаннун хъиннува захІмат бивзун яхІ гъагъайссар, му

аьсившиву дурагу къадурна ччиссар, мукун тавба даяр, авчинан ав биривагу къабириривну ччисса кунма бириривну итххяххаяр. Мунийгу мунал бунагъиртталгу аьфву бувну, чиригу зияда бавай тІий; му мунал дурсса аьсишиврул бунагъу му щяйтІаннун дуртун, мунил аьзав зияда давай тІи. Масала: Аллагъу Тааьланал каши дуссар муъминтал щяйтІаннуяр ххув бувну муния буруччин. Бунугу Аллагънал, ку чІумал щяйтІант миннаяр ххув бувну, ми шагъватирттаву бичайссар.

»5

Ва номерданий:

2	ЦІУССА ХАВАРДУ	3	НУКІУ ЗАМАННУ ХАВАРДУ	5	СУАЛ ВА ЖАВАБ	6	ШАРИАЪТ	7	ИХІСАН
	Барачатсса мавлуд дунни Чиркейлив		Задрал къадру бушиву		«Барачатсса элмулул ххазина»		КІилчинмур хъун бунагъ		"Адабул мерзия"

ЦИУССА ХАВАРДУ

Барачатсса мавлуд дунни Чиркейлив

25-чинмур апрельданий Чиркей шяраву хьунни алимтурал хьунмасса мажлис. Гайннал вьязардах вичи дишин бувкун бия щаллагу Дагьусттаннаясса инсантал.



Гикку махъ лавхъуминнал гьартану буслай бия жула хьхьичи бавцисса масъаларта-тая, оътий бия цинянной гьарцаннал цавура тарбия дувара халимисса амал, ххирасса Мухаммад Идавсил ххуллийх бачияра тий.

Мажлис кьуртал хьунни Шейх Саид-афандинал махъ лавхъуну. Ганал оьвчаву

дунни ца кулпат кунма цацлун шаврин, ци миллатрал инсантал бухурчангу бавкьуну биклаврин.

Мажлиспай дунни мавлуду, укунни диндалул балайрду – нашидру. Га мажлиспай барачат бивссар цинавпапу бавтминнал, гьарта хьуссар диндалиясса кьулшаву.



«Аллагнайн вих хьуминнал оьрмурду бигьану бутайсса бур»

Американавусса Майами университетрал ученийтал хьирив лавну кьул бувну бур – Аллагнайн вихминнал оьрму бигьану бутайшиву.

Му иш кьул хьуну бур чьаруасса давуртту дурну экономикалул, психологиялул, социологиялул ва м. ц. элмурдал хисав ларсуну личи-личисса инсантурал оьрмурдая. Масала, чак баврил, цайми дуьрту даврил бакьрал ня дигьа лаган дайсса дур, пикри ххуймур чулухунмай бутайсса бур.

Так ца Аллагнайн циппа ци дуллалиссарив чалай бушиву кьулну бухурча, инсан урч-



лай ур миху-тихунай аччаврия, канма, ягу халкьуннан зарал баврия.

Аллагнайн иман дума агьлай акьар увчу айсса хлациялухун, пьапрусрахун, наркотикирттахун, миннал цулулушивугу цакаьсса диклан най дур.

Islam.ru

ДАГЬУСТАННАЙ

Лакрал мадраса

Альхамдулиллагу, хьунасса Аллагнайн цимилийну, ва Дагьусттаннал мусульмантурал диндалул Идаралул хларачатрайну Махлчкьалалив тивтунни лакрал мадраса, щайх Мухаммад-Аьрифлул цанийсса Дагьусттаннал Исламрал Университетрал филиал.

Миву кьива курс бувккуну махъ, бюхлай бур бухан светский институтравун – Теологии и Международных отношений. Миву бур факультету: теология, дунияллул экономика, лингвистика, филология, ва мукунма цаймигу. Му институт бувккуну махъ ласлай бур кьива диплом: исламскийгу, светскийгу. Мадрасалуву дур хьинну ххуйну яхьнансса тагьар: украсса



дуккаву – исламскийгу, светскийгу, уквасса общежитие, украсса дукра дукаву шаннагу чьумухсса. Хурмат бусса лакрал жамят! Жува яхьнай буру цана хьинну захьматсса чьумал. Чьавумий халкь бур хьуслил хьирив хьап-шап тий най, Аллагу хьама ивтун. Хьинну чьаруасса арцу дуллай оьрчру дуклан бакьлай бур институтирттавун. Экзамену, зачетру, диплому машан ласлай бур. Дурккуну махъ даврий бацан бангу арцурду дуллан багьлай бур. Амма миннаву хьинну чансса буклай бур за кьулсса, цалва пиша кьулсса специалистал. Ялув кьичи лавгсса куцуйсса уквасса дуккин бюхьайсса кьанттурду бунува, нитти-буттал цалва оьрчру дуккин буллай бур багьлух, цайминнал оьрчаяр махьун кьабгаьншиврул. Жу дакьнихтуну миннат буллай буру: гьан бувара зула оьрчру дуклан жул рувхланийсса дук-



кай заведениелувун. Муниву буссар хьунмасса мюнпат мий оьрчангу, зунма нитти-буттангу, лагма-ялттуангу. Жула Идавсил куьсар: «Кьулшиврух луглан буржри циняв мусульмантуран», куну. Ва хладисраву кьичи лавгсса «кьулшиву» тисса мукьул цивунна жям дуллалиссар Исламрал, шариаьтрал элмурду, цийхчлину Аллагу Тааьла кьул ан бюхьайсса.

Щил бувтур дунгьуз лув?

1400-ра шин ларгун дур дунгьузрал дик дукан исламрал кьадагьа дирхьуну. Амма щаллагу дунияллийсса бусурман бакьамий му кьадагьалин мьотийну бакьар. Вана уттигу циняв гьалак бувккун дунгьузрал грип дунияллийх пив хьанай. Ваниннин хьхьичлавагу дунгьуз багьана хьусса аьзарду диркиссар инсантураву. Гьарзадгу хьама бивтун, инсантал бур булувкьуну канай дунгьузирал дик. Ци банссар? Инсантал ссан аьркинссар, хрющка буня махъ?

ХИАМИС

Гьармунил дуссар цила нуз, Аллагнайна эбадат дуллалаврийнсса нуз хьанахьиссар зума дугьаву

Дербентлив хьумур

20-чинмур апрельданий, «Экспресс» банк ва Дагьусттаннал бусурманнал рувхланийсса идара цацлун хьуну, ссайгьатран дуллунни Дарбантливсса 2-чинмур оьрчал кьатран столоваялий бишинсса усттукьанттурду ва оьрчан утту бишинсса тахру.



Му кьини оьрчачан бувкун бия хьарчру байсса артисттал, гьарца оьрчан чьавусса ссайгьатругу лавсуну. Миннал оьрчачал тяхьашивуртту дурну, рязи бунни.

Оьрчал хьхьичлун увкун Дербентуллал имам Шуаьб Хисанбековлул бувсунни тарихрал хаварду, Мухаммад Идавсил оьрмулиясса хаварду. 2-чинмур оьрчал кьатлул хьунама Мирвет Ибрагьимхалиловлул бувсунни мьорцисса оьрчал лахьлай бушиву Исламрал гьанурду, му иширая тарбия давириву хьунмасса кумаг бувшиву.

Аксалийсса мажлис

Апрель зурул дайдихьулий Хасавюртул райондалийсса Аксай тисса шяраву хьунни Дагьусттаннал алимтурал мажлис.

Гьарца зурул хулулун кьини ирглий батлайссар алимтал цала мажлиспайн личи-личийсса шяраваллаву. Ва хулулун кьини цала шяравун бусурмантал батинсса хьаришиву хьуну дия Аксайнал жамьатран. Бавтлун бия чьавусса хьамал, хьунисса алимтал, диндалуха зузими. Мажлиспай бувккуну ваьзарду, дуллауна чьавусса суаллахьхьун жавабу. Мавлудру кьуртал хьуну махъ жагьилминнал укунни нашидру.

Щаллагу Дагьусттаннаясса хьамалурайн бивссар мажлиспай барачат, кьакьулминнан кьул хьуссар Исламрал дин душиву хьуннасса элму, оьрмулухун лахьлай дух кьалагьайсса.

НУКИУ ЗАМАННУА ХАВАРДУ

Задрал къядру бушиву

Ца мащилий ялапар хъанай бивкун бур хъунив хъусса къари ва къужа. Гайннал чявусса ризкъи-къинигу бивкун бур. Кюрххицун чакгу бувну, къари ва къужа ччаннай бацайсса бивкун бур, къарил оьллу ттивзукун, къужа гъаттара-яттил газу (гъухъала) канаки бан зунттавун бувцуну лагайсса ивкун ур.



Къаримур шарда щина-царалсса дукралулсса буллай, кинттулнин гъаттаран лазундаралсса буллай, къунниялнин багълати шайсса диркун дур. Амма гъаттара шаппай кюра бавукун, бакъа чара бувну оьллогу ттизайсса бивкун бур. Къарингу жапану (захиматну) бивкун бур ризкъилулсса бан, къужлунгу хъиннува жапану бивкун бур зунтта-мачлайх гайннул хъири-хъири занан.

Цакъиница вьяливсса къяча зунттул бакрайн лавхун, кланил хъириг гуж балагърай гъаз хъусса къужа аьсив хъуну:

— Я Рахмансса Заллуй, вай ризкъи-къини ина жун дуллунни, винма зикрилий, щукрулий бивкуну, вайннуя ххарину бивкуну, вайннулсса бансса хлалгу бия жандалий. Утти жу хъунив хъунну, заэб хъунну, чурххал къувват чан хъуну буруча, ва инава буллусса къисмат махъунмай ласи, ва гъиву жул ялату рутикъай, Рахмансса Заллуй! — куну, леххаву куну, ялун дуаьгу дурну дур къужлуп.

Къячагу бувцуну, игъа лаган щяивкисса кланттай къужлун бавну бур:

— «Аллагъу Тааьланал вихъгу,

вила къарихъгу ца мучари (кюла ччат) бувну кланналагу букияра тар», — тисса, аьжайвсса чу.

«Ва ци тамашари?!» — тий, къужа хъинну махлаттал хъуну, ивзун лагма ялтту урувгун ур. Чувчлав, цучлав ххал къавхъуну ур.

Увкун шавай бувсун бур къарихъ цанна ккарксса караматшивруя. Къарил дуаьгу дурну, бувну бур гацана ца мучари. Яла га мучари кли бувхъун, щябивкун бур клиягу канай. Мучари бувкуну къуртал хъувкун, къарил цила махъливусса, мучарттуяту къат хъусса мюрш цанивун бавтун, цила къацливун

Аллагъу Тааьланал аьрацарал давлат буллуссар цала дустангу, душмантурангу. Мяьрипатрив мунал так цанма ххираминнанни дуллусса

бивчуну бур. Къужлупгу цала чухълул ссимиялттуяту мучарттуя къат хъусса мюрш хъатлийн бивчуну, гава куццуй бувкуну бур.

Хъатлан чакгу бувну, дуаь дуллалисса чумал, къужлун бавну бур гава дяхтта зунттаву бавсса чу:

— «Аллагъу Тааьланан ккавккуну зу задрал къядру бусса (зад ценить байсса) инсантал бушиву, мунияту кланал зухъхъун зула ризкъи-къинилулсса буллансса къувват буллай ур», — тисса.

Асттавируулагъ, ва ци тамашари?! Нава авлия хъанайвагу акъаравав... Я, Рахмансса Заллуй, ина ттуй цими биша, — тун ивкун ур къужа.

Мяйжаннугу, кюрххил чант увкун, къари ва къужа жагил заманнайкунмасса чурххал къувватрацал бивзун бур шания.

Аьбдурашидлул дуаь

1918 -ку шинал Чарттал Магъдихъал Махлammaд, Аьвдурашид тисса цала гьалмахчунащал биривну бур кляламиннахъхъун.

Бувцуну бур кляламиннал ми клиягу Щурагъун, клул хъуну бур гай ятул партизантал бушиву. Бувцуну

губернаторначлан, суд бувну бур клиягу аьщун бизан (кказнить бан).

Хъхъудядирзсса чумал, аскарнал (солдатнал) гай буккан бувну дуснакърава, бувцуну бур ца къатлуну. Гивугу ивкун ур столданух щяивкун кляла хлaписар (офицер), ганал хъхъичгу бивкун бур судрал вай аьщун бизан бувсса хлукму. Хлaписар къус ивкун цала хъхъичсса чагъарду ккалай уна, Махлammaдлул увкуну бур хлаллих лакку мазрай:

— Утти танал жухъва махъва-махъсса мурад цуххинтиссар.

— Я Рабби, я Аллагъ! — увкуну бур Аьбдурашидлулгу, — ва дунияллий иччлав къаччива, та адимина лаккучу ивкиссания ччива!

Къацулвхуну ясир бувгъуминнахъ махъва-махъсса мурадгу хлaписар къатлув увкун ур, цаппара хлaллава зана ивкун, нузкъунгу гъап учин дурну, Аьвдурашидлул хъхъич авцуну ур.

— Вил дуаь занначлан дирунни, —

куну бур ганал хлаллих лакку мазрай, — на лаккучура. Вачциял Бадави учайссар. Хъумур хъунссар, на зу къалитунна. Кла зунттуйн бивсса чумал, зул хъири нанисса аскарнал битантиссар гъаваллавун, зугу, му цана ливхъун, бат хъун аьркинссару, амма цукунчлав инсан хъунаакъинсса кланттайн буккан къабучиссар, яла зул къатта ччувчуссар.

Мукун ххассал хъуну бур Махлammaд ва Аьбдурашид.

ТАРИХ

Абу ТалхIа аль-Ансари (Зайд ибн Сахл)

Зайд ибн Сахл ан-Наджаринан цанна Абу ТалхIа тисса чулий ца дирзусса, клул хъуну бур ар-Румайса Бинт Милхан ан-Наджарий лас акъа ливчлусса. Му иширая ххарил лехлай ивкун ур. Муниву цичлав махлаттал хъунсса бакъар, цанчирча ар-Румайса, Умму Сулайм тисса чулий ца дусса, бивкун бур хъинну духлин дусса, аькьлу бусса, за бувчлайсса ва цинярда хасиятругу ларайсса.

Абу ТалхIал хлукму бувну бур ганичлан муги (душ була учин гъан увай адамина) гъан ан, ганийн цаманал я бишиннин, гукунсса хъами ххуй бизлазисса. Га дакI дарцуну ия, Умму Сулаймлуп цачлан хъу учин бучайминнава, цайнма дакъа къулагъас къаданссар тий. Абу ТалхIа ивкун цр чумартсса, дурккусса ва мадара авадансса инсан. Му бакъассагу, га ивкун ур пагъму бусса бурттигу ва багъадур бану ан-наджар тисса племялувасса, ялагу Иасрибтураву ца яла гужма чIатаракI ритуну.



Абу ТалхIа авчуну ур Умму Сулаймлуп къатлуп чулухунай.

Ххуллийх нанини ганан дакIнин багъну бур, Мусаба Ибн Умайрдул гьалгъалийн бувну, Умму Сулайм вих хъушиву МухIаммадлуин ва къамул дуршиву ислам.

Амма микку Абу ТалхIал куну бур цахъва цала: «Ци бур муния? Ганил ивкисса лас къаивкиссарив ппухърунная шиннайсса дин уттара дуккан дуллай, МухIаммадлуин ва ганал диндалийнгу къаршийсса?»

Умму Сулаймуп къатлучлан ивкун, Абу ТалхIал изму тIалав бувну бур гивун уххансса. Умму Сулаймлупгу изму буллуну бур. Га бакъассагу, ганил къатлуву ивкун ур ганил арс Анас. Абу ТалхIал ганихъ хъу увкун, Умму Сулаймуп жаваб буллуну дур:

— Инсантал виха лавхъхъусса, я Абу ТалхIай, махъунмай къабайссар, амма на вин къахъунна, ина вих акъу ура...

Абу ТалхIал бакIравун: «Цама хъу тисса ухъунссар, ттуярва авдансса ва сий лавайсса, ганан хъун ччай багъантту ляхълай бухъунссар» — тисса хияллу багълан бивкун бур. Ганал увкуну бур ганихъ:

— Аллагънайн хъарашав, мунил цаний бакъара ина ттун шар къахъанай, я Умму Сулайм.

— Туну ции ттухун дахчилачисса? — чу лахъ бувну бур Умму Сулаймлуп.

— Хъахъимур ва кляламур, куну бур Абу ТалхIал, Муси ва арцу... » 4

ТАРИХ

Абу ТалхІа аль-Ансари (Зайд ибн Сахл)

1 « – Муси ва арцу?
– Ди, – жаваб дуллуну дур Абу ТалхІал. Му чІумал Умму Сулаймлул куну бур: – ХІакьну, на вин барашинна дуллаи бура, я Абу ТалхІай ва Аллагьнайну Идавсийнгу барашинна дуллаи бура, ина Ислам кьамул дуварча, на хІадурссара вин щар хьун цукунчІавсса арцу-мусив дакъанна. Ина Исламраин учІаву хьанахьиссар ттун кьалинну (калым).

Умму Сулаймлул махьру бавну, циняв пикрирду, Абу ТалхІал цалва кьанчлил чулинмай ита бавкьуну бур, яла ххуймур гьаннарал мурхьирая бувсса, ва мунийн эбадат дуллаи ивкІсса, цала хасьсса заннайн куна. Мукун байсса бивкІун бур гайннал жяматрал хьуниминнал.

Амма, Умму Сулаймлул хІукму бавну бур, мах кІирину дунура кьутІ дан, мунияту гиккува цІувххуна:

– Лажинни вин кьакІуллив, я Абу ТалхІай, вилва кьанч, инава эбадат дуллалисса, аьрщарая хьушиву?

– Ди, кІулли, – жаваб дуллауна Абу ТалхІал. Умму Сулаймлул чІу лахь бувна:

– Вин нач дакъарив икрам буллан мурхьирал касакран, мува мурхьирал вамур касак цама инсаннал ччувчуну, дукра шархьуну, цува гьели хьун ишла дуллалисса чІумал? Агана ина Абу ТалхІай, кьамул дарча дин ислам, нагу рязи хьунна вил царну хьун. Ва цукунчІавсса кьалингу ттун аьркин бакьар, вил ислам дакъа.

– Щилли на кьамул антІисса Исламравун? – цІувххуну бур ганал.

– На му иш щаллу банна, – жаваб дуллуну дур Умму Сулаймлул.

– Цукунсса журалий?

– Учи хІакьсса махьру, барашинна дува, Аллагьгу ца акьа акьашиву, ва

МухІаммадгу – мунал илчи ушиву. Яла насу вила шавай, гьавгьуну эки бутта вила кьанч. Лажингу даххана дурну Абу ТалхІал зумух лавсуну бур:

– На барашинна дуллаи ура, Аллагь ца акьа акьашиврий ва ялагу барашинна дуллаи ура МухІаммад – Аллагьнал илчи ушиврийн.

Муния махь Абу ТалхІал Умму Сулайм цанма бувцуну бур царну. Мусульмантал тІий бия га иширая: «Жун тачІав кьабавссар ванияр ххирасса кьалиндалия, Умму Сулаймлул кунмасса. Ганил дунни Ислам цинна кьалинну».

Га кьинилия шинай, авцІуну ур Абу ТалхІа Исламрал ххуллий, харж буллаи цала бусса гужлил бияла эбадатраин.

Га ивкІун ур, Аькабалий Идавсицал кьутІи дурсса арулцІаланавухсса. Гикку ганашал бивкІссар ганал кулпат Умму Сулаймгу.

ХІАМІС

Зума дугьияра
– зул цІуллу-
сагьшиврул тагьар
кьулай хьунтІиссар.

Га хьуну ур ацІния кІиннавасса ца мусульмантурал хьунаману Иасрибрай, Идавсил бивтуну бивкІсса гава хьхьуну. Гания мукьах Абу ТалхІа гьуртту хьуссар цинярда талатавуртавух Аллагьнал Расуллуцал, ашкара дурну цала виричшиву ва чумартшиву.

Амма Абу ТалхІал яла ххуйми кьинирду, Расулюллагьнащал цачІу гьан дурсса, диркІун дур УхІудливсса талатаву.

ХьиривмурномерданийиншаАллагь бусанну мунияту.

ИСЛАМ ВА МЯЪРИПАТ

ПатІимат ХІАМЗАТОВА

Дайдихьу хьхьичІми номердай

Хьаннил хІаж баврил
личІишиву

МухІаммад Идавсил щарссанил, Аьйшал, цІувххуну бур цила ласнахь: «БучІиссарив жунгу зуцал гьуртту хьун жигьадрин бувккун дяьви буллалин?» Идавсил жаваб дуллуну дур: «Яла ххуймур жигьад хІаж бавури, иминну ва багьайкун».

Аьйша буслай бивкІун бур: – «Аллагьнал гьан увманал гай махьру увкуну махь, шаймур байсса бивкІссар хІаж баншиврул».

Цала оьрмулий цалагу хІажлийн лагаву – му бур гьарца бусурманчувнайсса бурж. ХІажлин нанисса хьамитайпа ххуллийн буккан аьркинссар цила ласнащал ягу махІрамнащал. Агарда акьахьурча ганищал ачинсса лас ягу махІрам, Аллагьнал ялув бивхьусса бурж биттур баншиврул, шариаьтрал ихтияр дуллалиссар ганихьхьун хІажлин гьан вихшала дусса инсантурацал (гай бикІан бюхьайссар мачча-гьанмий, ягу цуппа кунмасса хьами). Хьаннин аьркинссар хьинну узданну хІадур хьун ххуллийн букканнин. Шиккува учин, хьхьичІва-хьхьичІ хІажлин нанисса хьамитайпалул кьудрат духьурча, хуллух харж дансса арцу дуну, ганин бучІиссар цихлува хІаж баву аманат бан хІажлин нанисса цила махІрамнайн, масала – буттауссийн, уссил ягу ссил арснайн, арснал ягу душнил оьрчІайн ва м. ц. Мукун бугу бавну хьинссар.

ХІажлийн лагаврил фариза биттур бавну махь, хьаннихь ихтияр дакъассар ххшала хІажлийн гьан ласнащал ягу махІрамнащал бакьасса. Зува пикри бара, хьаннин кьабучІину бухьурча хІажлингума цивпалу занан, цукунсса жаваб дугьанссар Аллагьнал хьхьичІ, гьарца ножмардий чил билаятирттайн дахху-ласу дуллаи заназисса хьаннил? Агарда кулпат мискинну бухьурча, циванни лас кьалагайсса цала щарссанищал? Агарда лас зий

«Аллагьнайн мукІрумур
ягу
Иблислуйн мютІимур?»

ухьурча кулпатран дукамур ляхьлай, му чІумал, циванни щарсса лагайсса кьадагьа дирхьусса ххуллийх? Цанма баллай бунува чІявусса жагьилтал литІлай бушиву мукунсса ххуллурдай,

каруннай катІри лаххан ва лажин кІучІ дуллан. Мукунма кьабучІиссар адиминащал утту бишин. ХІажливун бувххуну махь кьабучІиссар кьанкь дусса задру аьркин дуллан (ссахІван,

МухІаммад Идавсил щарссанил, Аьйшал, цІувххуну бур цила ласнахь: «БучІиссарив жунгу зуцал гьуртту хьун жигьадрин бувккун дяьви буллалин?» Идавсил жаваб дуллуну дур: «Яла ххуймур жигьад хІаж бавури, иминну ва багьайкун»

хьами нигьа буслай бакьар, мукун лавгукун цала бакІрачІангу бивкІу бучІанссархха тІий. Ци учинтІиссар миннал тийх, Аллагьнал хьхьичІ бавцІукун? Мьяжаннугу, миннал пикри буссарив КІанал хьхьичІ кІяла хьунсса? Жунмарив, яла ххуймур Аллагьнайн мютІий шавури.

ХІаж бансса нийят дурну хІажливун бувххуну махь, хьаннин кьабучІиссар

шампунь, ккарччив марцІ дайсса паста ва м. ц.). Ва кьадагьа дуссар цалчинмур чарубутаннин. Адиминащал утту кьабишайссар фаризасса тІаваф кьабувну.

Хьаннин цІакьсса ккаккан баву дакъассар хІаж буллалини ци янна лаххантІиссарив. Амма хьинссар янна кІяласса духьурча. Муданна лаххайсса янна лахангу бучІиссар, шариаьтрал

тІалавшиву дурурччуну духьурча. Так маслихІат буллаи буру цалчин хІажлийн нанисса хьаннин – зуцала ласияра гьартасса, ххуллийх лаххан бигьасса янна, масала гьартасса гьухьа ва мукуннасса хІажак. ХІажливун бувххуни бакІрая чІара дагьан ритан кьабучІиссар, дагьсса чІарарахлу аьчІа дулайссар. Цалчин хІажлин бувкІсса хьаннин кьакІуллу бикІай чІарарду цукун ядан аьркинссарив. Амма хьхичІавагу хІажлий бивкІминнан кІулссар, ппив кьахьунну, цІакьну хІаллурду баншиву, ягу кІюласса кьяпуву кІиз ла битайшиву, цаппара гьантрай га кьабукьансса куццуй. Макка кІирисса кІану бухьукун, чурх шюшайнийгу бучІиссар чІарарду ппив кьадурна дитан, гай чунчІав кьатІгу кьахьунтІиссар, ччяни кьакьангу тІиссар. ХІажлий хьаннин кьабучІиссар бакІ бичин ласная ихтияр дакъа, ягу цамур багьана бакьахьурча. Мунияту чІарардал пикри ччянива бавну хьинссар.

ХІажитурал цалчинмий чартту бищайхту, гайнналкьукьайссар чІарарду. Хьаннин кьабучІир цайми арантуннал хьхьичІ цилла бакІ тІитІлан, мунийн бавну гайннан чІара кьукьин бучІиссар арантал бакьасса кІанттай. Му даву дурну махь хьаннин бучІиссар кьанкь дусса дугьанну аьркин дан. Мунийн щинавану кьабувкІунгу занан кьабучІиссар. Маккалий бахлай бикІайссар кьанкь дакъасса ссахІван. Ккарччив марцІ дайссар сивакрай, муниву Аллагьная хьунмасса даража буссар. Сивакрай марцІ дайсса диркІун дур ккарччив МухІаммад Идавсилгу, бусурмантурангу ххирассар, кьацІгу хьин шайссар.

Ххуллийн бувккун, хьаннин аьркинссар марцІшиву дуруччин. ЧІявусса инсантурал аьркин байсса кІанттурду, биссайсса кІанттурду цила хьирив кьабитан аьркинссар марцІну, цайминналгу цинма кьабивтуну ччисса куццуй.

Яламуниву арантунналгу хьаннилгу хІаж бавриву хьуннасса личІийшиву дакъассар. РувхІанийсса идаралул хІадур бувсса луттираву гьарзад буссар.

Таржума Гьамюннул
(Гихунмайгу буссар)

СУАЛ ВА ЖАВАБ

Шейх Саид-афанди
АЛЬ ЧИРКАВИ

Бучиссарив хлажлин
гъан чак къабайсса
инсаннан?

«Барачатсса Элмулул ххазина»



Ассалам-фото

Гъарца каши дусса бусурманчунвай ялувссар оърмулуй цалвагу Исламрал ххюлчинмур ттарці биттур бан – хлаж ва оьмра бан. Хлаж баву ялувссар циняв бусурманнай, а бусурманчунван ккаллиссар, дакнихтуну къамул дурну, мазрайну зумух ларсун, шагдадатрал кивагу бутлул маъна куртну дурчлума. Чак бавугу Исламрал яла агъаммур ттарціри, гъантлий ххюйлва бангу ялувссар. Гъарца исламрал ттарцірал дуссар ляличийсса цалла ххирашиву. Ца биттур даву гамур биттур даврия мурахас къаайссар. Чара бакъа кирагу ттарці биттур дуллан аьркинссар. Гъарцанун дуссар цинна ккаккан дурмур. Агарда, бусурманчун оърмулун чак буллай, зума дугълай ивкун, амма каши дуна оърмулува цалагу хлаж къабавна ивчарча, га ккаллиссар исламрал ца ттарці биттур къадурну ивкунманан. Му бунагъ личантиссар ганай. Агардарив, хлаж буну, амма чак къабуллай ва зума къадугълай ивчарча, ганан бус-

сар танмихл чаклил ва зумалул фариза биттур къабаврихлу, хлаж къабаврил аьзав мунан дакъассар. Агарда, най ухурча инсан хлажлин Аллагнахлу бан марцісса нийятгу дурну, ганахъ къацлххайссар, ина зума дугъарав ва чак барав, куну. Му члумал шариаьтрал тлав дуллалиссар ганая хлаж баврил клулшиву. Балики, укунсса ниятращал буну хлаж, тавба дуван сававну хьуну, га инсан оьмуня арх уцвуну ва клунку хъанан так ххуймур, хъинмур буллалаврин.

Бур чявусса инсантал га куцуй тавбалучлан бувксса, амма чансса бакъар мукунссагу, цал тлулу чанссарагу дахана къархурсса хлаж буну махъгумали. Му хъанахъиссар Аллагнал ганал хлаж къамул баврил ягу къабаврил аьламатну. Хлакьину буруглай, инсантал цукун лаглай бури хъунмамур ягу чивимур хлаж бан, бюхъавай миннахъ цлххин аьркинни, зу чак барув? ва зума дугъарув? - куну. Циван? Цан чирча цанасса ситуацциялува цамур куцуй бан бюхълай бакъану тий. Масъала,

агана шаппа чак къабайсса инсан харж дурну чярусса хъусгу, дурхлуну чярусса захиматшивурттугу хлажлин най ухурча, муниву биклан бюхъай мунал ци бунугу ца мурад, цанма къаклулну бухурчагу. Цукун ухурчагу га цалчин хлажлин лагаврийну, ганал биттур дурссар исламрал ца ттарці. Амма, гания тинайгу чакгу къабуллай, зумагу къадугълай унува, куннил ку хъирив хлажлин занай ухурча, га мийжансса дахху-ласучири. Шикку жу учин ччай бакъару къабучиссар маша бан, шариаьтралгу бучи буну, ва мунил хлажгу зия къабуллайссар. Амма Дагъусттаннай лухисса ттанга дуллайсса инсантуран къалайкъри цлуница хлажлийн лаглан цал буну бунува. Дахху-ласу дан цайми клантурдайн насича.

Цавайннал учай, хлаж бунманан оьккисса тлулу дуллан къабучиссар, куну. Хлаж буну махъ къабучину бухурча бунагъ бумур буллан, щинбунугу къаччан биклан буллан, бучиссарив мукун биклан хлаж бунаннин хъьичи? Личишиву

ХИЯМИС

Талатаврил
майданив
къалханналул
инсан уруччайсса
куна, зума дугъаврил
инсан мурахас
айссар
Дужжагърал
цараща

цири? Хлаж баннинг, буну махъгу мукун биклан къабучиссар. Амма хлаж буну махъ, агар инсан тлайла авцлун ухурча, му члумал бувчин аьркинни, му инсаннал буну хлаж Аллагу Тааьланал къамул бувшиву.

Цал хлажлин ларгсса шарссанин къадагъа дуссар кллчингу хлажлин гъан махтрам аьрхлал акъа. Му цукун члананссар, шариаьтарл къадагъа дирхьуну душиву клуну бунува, ялагу тиккун заназаву?

Тун биклай, бюхълай бухурча гъан аьркинни, цанчирча къадайнутли цлххаву ина циван лавгра тий, цлххаву дан най бур бусарманчуннахъ, ина циван къалавгра, куну. Ххуллин уккан аьркинссар марцісса найтращал, шариаьтрал ккаккан дурсса гъарца низамгу дуручлай.

Аллагу Тааьланал ка бакьиннав зун тавба дансса.

Щяйтант ляхъан буну муьминтурайн мусаллатI баврил савав (натравит баврил)

1 « Яла тавба дурну, хлакьмунин клура бавну миннан дуняллулгу, ахиратлулгу лаззат хласул хъуншиврул.

Мукунма Аллагнал каши дуссар кафиртуращал талатини муьминтурацун ка бавкуну, ми ххув бан. Бунагу, ку члумал, ми бух байссар, миннан шагдадат дакнин дагъаншиврул. Миннацун ка бавкуну чапурталгу бух байссар, миннал давларду хласул хъуншиврул.

Утти, му иблис аьлайги ляьнат (цайн нааьна шивуй), халкъ бйкьин буллан, миннайн мусаллатI буну, итабакъаврил аввалгу, сававгу - му иблис Адам ляхъан аннин хъьичива мукьцалазарда шинай алжаннул ххазиначи шиврий бивкиссар. Мукьцалазарда шинай Малаиктурал усттазну бивкиссар. Миннан задру клул буллай. Мукунма мукьазарда шинай лухччи-ссавнил паччахшиврий бивкиссар. Му куцуй савруннай, лухччиний Аллагнаха марціну эбадат дуллай, мунайн мютийну, муначла муксса хъьичлуннайну бивкиссар иблис.

Яла Адам ляхъан увну, мунайн сужда ба куну, Аллагнал амру бувкун, - «Царая ляхъан буну на, аьрцарая ляхъан увсса мунайн сужда цанни байсса», - тий, дак хъун дурну, такапуршиврул (дак хъуншиврул) аьсив хъуну, къабуну чапур хъуссар.

Яла Аллагналгу, му ца сужда къабаврийну, мунил дурцири эбадатгу зия дурну цалва цимилияту эки ливчуну Алжаннаватугу буккан буну увкуссар: - «Тти ина ттуцла кьовкьуссара. Ттуйн аьсив хъума, ттул цимилува къаиклайссар» - куну.

Яла Иблислул увкуссар Аллагнахъ - «Раббий, ттул Заллуй! Ина на Алжаннавагу буккан бунуна, вилва цимилиягу эки ливчунна, утти дуняллий ттул къатта ци бикантиссар? Мажлис чув бикантиссар? Дукансса ци дукантиссар? Хлачияци хлачантиссар? Дибир, Мудун цу иквантиссар? Къуръан ци бикантиссар? лу ци бикантиссар? Хавар-хладис ци бикантиссар? Ттул ав ци бикантиссар?» - куну.

Аллагнал увкуссар - «Вил къаттагу хламмаври. Вил мажлису -

курчарду-базардур. Вил дукансагу - бисмиллагъ къаувкун дуркумурди. Вил хлачиягу - гъари увчу аймурди. Вил дибир-мудунгу - зурняв, чугурду, чагъанттур. Вил Къуръангу - балай шийрирдур. Вил лугу - накьичрури. Вил хавар-хладисругу - щялмахърур. Вил аврдугу - хъамир.

Яла муни Мунал цимилува хъл кьукьун увкуссар: «Раббий, ттул Заллуй! Ина ттухъхъун кьиямасса кьини дизаннин мугълат була (члун дула)», - куну. Аллагналгу увкуссар: «Буллуссар вихъхъун мунинин мугълат», - куну. Яла Иблислул увкуссар: «Вил хъуншиврин хъана, нагу циняв халкъ бйкьин къабуну къабитанна, вилва муьминсса, мухлиссьса лагъартия бакъасса» - куну. Яла Аллагналгу увкуссар: «На вилгу, вил зуррийатрагу, вил хъирив наниминнаятугу дуржагъ буцин къабуну къабитанна» - куну.

Му куцуй мунихъхъун халкъ бйкьин буллан кьудратгу дуллуну, кьиямасса кьининин мугълатгу буллуну итабавкьуссавагу, Аллагнал му цалва

амрулин мюти къавхъуну, аьсив хъуну чапур хъуну тий, мунил аьсившивуртту чяру хъуну, аьзав-аькьува зияда данни.

Утти, му иблис цуппагу, цилва аьрл-щяйтантгу муни шихунмай халкъ бйкьин буллалаврихун багъссар. Мунил санааьт-пиша цамур цичлав бакъассар, ми бйкьин буллай аьсив буллалаву дакъа. Мунил хъьичла-хъьичи Адам идавс аьйкьин увну Алжаннава уккан увссар. Авринугу бигъа къавлавгун, мугу мунал зуррийатту гивун къабухханмурди мунил буллалисса, цищалва архлал дуржагъраву биклан.

Мунил бюхъайссаксса инсан чапур хъунмур буллалиссар. Мунин яла ччимур мури. Мугу къахурча адамина ивчланмур байссар. Мугу къахурча цайми хъуни бунагьирттавун утанмур байссар. Мугу къахурча, цайми бидейсса аьмаллу ххуй бизан буну, ми буллали айссар. Мукунма паризарттаяту, ссуннатирттаяту айщун айссар. Ягу миннуну хияллаву, васвасирттаву утлай, ми дурусну хъун къабитайссар. Мигу къахурча, хъинсса аьмал бан ххуй бизан буну, му буллали увну, яла халкъ хъинсса ххуйсса адамина ур тли, мунайн клура баен буну, мунал дакнивин оьжбу, рияь бутун мунину гьалак айссар. Мукун куну цайми оьккисса, оьсса иширттаву утлатиссар. Хлатта му Иблис ляьнатуллагнал гъарца кьини кюрххил цилва аьрал пив байссар дуняллийх халкъ бйкьин буллан.

» 6

ШАРИАТ

Килчинмур хъун бунагъ - зуна бавури. Адамина ивчаврил хъирив мунияр оьккисса, оьсса бунагъ бакъассар.

Килчинмур хъун бунагъ

ри, дуржагърал агълури, гъаттавату изайни мякьнил ивчаврай царал янна ларххуну лажин лухлину изантиссар.

Къияматсса къини мунал аьвратрацлук цлу ларчлун мунаятусса оьккисса къункъал халкъуннаву буябурну члалантиссар. Циняв халкъуннал, малаиктурал нааьна дайссар. Хлатта му зуначи, зуна байсса члумал муьминчуну къаиклайссар, мунава иман дуккайссар.

Му зуна бувсса инсангу адамина иклу, царсса диклу я цалла икьрарданийну, я бардултрал барашинна даврийну исбат хъурча; цар дурцусса ухъурча чарттах ивчанссар, цар къадурцусса ухъурча ттуршва щяпа бищунссар, шинай оьттунгу уккан анссар клира къинилул ххуллий. Мукунна царссагу.

Ми ттуршвагу щяпа бищаврил хикматгу - шинай мукъва фусул диклайссар: Гъи, кли, инт, ссут. Ацния къива барзгу биклайссар. Гъарца зуруй зувира къини, зувира хъхъу диклайссар. Гъарца хъхъу-къинигу къуния мукъра ссят диклайссар. Ми кунни ку дирхъуну ттуршра зад шайссар. Гъарцаннин ца-ца щяпа бишлай мунал аькьува дулайссар, мунаяту каффаратну биклан. Ялагу му зуна баву ккаччил ттуккул фиьлулуха (тлулланиха) ларщуссар. Ккаччилжинаят (бунагъ) бувкун чартту бищайсса кунма, ттуккул бувукун тархъ рищайсса кунна, миннуха лашан бувну мунайхгу бищайссар.

ХИАМИС

«Цанна нясив дакъасса царссаанищал гьалгъа тлутиманан, гъарца увкусса мукъухлу буссар 1000-ва шинайсса Дужжагъ. Цанна къадагъасса царссанийн ка щума щяйтланнуцлун авхлуну утантиссар Дужжагъравун».



Ширк бишаврил хъирив, мунияр оьсса бунагъ бакъассар тиссагума бур. Аллагначла арулва цайми хъун бунагънияр оьссар тийгу бур. Му зуна байсса инсаннал сипатраву нур къадиклайссар, ризкылуву барачат бакъассар, оьрму кутлассар, хъуслия махлурмссар, хисав-сул оьссар. Заннан сси бивзма-

мукунсса къанкъ дусса куну цувххукун ганал бувсуну бур цала бакрачлан бувклумур. Жагъилний на уссияв хъинну бакрал ххуйсса, чурх бьохъусса, инсантурая нач хъанай махъунай хъанахъисса инсан.

Ца члумал буттал увцура на цащала базаллувун, дахху-ласу ххуйну дачиншиврул. Базаллуву янна дахлахисса ттучандалуви зий ивкляра. Ца къини дуркун ттучандалуви оьрмлун дугъарасса царсса, увкуна цинна ххуй дирзсса янна ккаккан дува, куну. На янна дуккан дурну дуллуссия ганихъхъун. «Ина ттуцал

Бусала

арцул хъирив учларча ччива», - увкуна хъамитайпалул. На лавгра ганищал, ганилгу на увцунна хъунисса къатравун, ялув къуппагу бусса. Гивусса ца къатлуви бия тах, мусил ххаллая дурсса виргъангу дуртусса, га тахлийгу бия душ. Къарил увцуну на га душнил чларав къуч унна га душнил хъазамравун. На учин-бусан бакъа ливчлун, - «Аллагъ, Аллагъ» тлун ивкляра. Га дия на паракъат уллай, ва ишираву цичлав оьккишиву дакъассар тий.

На миннат бував ганихъ ца минутрайсса хлажатханттунун ита акъи куну. Увххун хлажатханттунуну на гиву ттула хлажат ттула чурхайх ва лажижиндарайх дуккав.

«Ина бакрал сагъсса ивкун акъара», куну на гайннал уккан увра.

Му иш хъуну махъ, хъхъувай ттучлан увкуну ца адиминал увкуна: «Якъублул арснал Юсуплулгума къадурссар ина дурсса тлул. На Жабраил малаикра», - куну ттул щалла чурхайх цала ка дурккуна. Тания шинай ттуяту дуссар ва мискирал къанкъ куну къуртал бувна цалва хавар Мискил.

Щяйтлант ляхъан бувну муьминтурайн мусаллатI баврил савав (натравит баврил)

1,5 «Мунил угу учайссар: - «Хлакьину бусурманчу айкъин увну, на рязи бувну, цумур бучларчагу, на мунил бакрай таж бишинна,» - куну. Яла минния ца бучлайссар, на пуланнал царссания ца рутан ав тий. Мунигу рязи къашайссар. Дутарча ттигу дуцинссар - куну. Цагу бучлайссар - «На нитти-буттан аькьувба дулун ав тий». - Мунигу рязи къашайссар, тти хъинмалагу банссар куну. Мукуна цаймигу на ва бан ав, на та бан ав тий бучлайссар. Саячлав рязи къашайссар, на пуланнал пулан ивчлан ав тий бувкмуниятугу, пулан чапур ав тий бувкмуниятугу бакъасса. Миннай рязи хъуну таж бишайссар. Цичлавбагу бан къабюхъумурдив мукърагу дархлуну хъхъиривун бутайссар.


Хласил, ина ургу му щяйтланул яла диндалул ттарцину бухъусса чакливу цукун къючайрив, цукун хияллаву, пикрирдавун, вагъмурдавун, вас-васирттаву утайрив. Цамур члумал оьрмулий дакнин къабагъайсса задру дакнин къабутайрив. Му гъарца члумал, гъарца инсаннал лагма буклай, гъарца чулуха мунал дакниву, мунал туннурдавун бухлахиссар, му айкъин ан.

Амма бакрал чулухарив буххан мунил изну бакъассар, къабуххайссар, Аллагнал цимилулгу, инсанналгу дянив къабагъан. Хласил му щяйтланул масала - цуркил масалар. Хъус дакъасса къатлуви цурку къабуххайсса куну, гъавалул (гъавасрал) къадурцусса дакниву щяйтлан къабуххайссар. Инсаннал дакнил масала мюхчансса къалалул масалар. Щяйтланул масалагу мивун уххан, му ласун лагма уклакисса душманнал масалар. Мукун бухъувкун гъарца аькьлу бусса инсаннай ялувссар цалла дак мюхчан дан, му душман къабуххан. Му буххайсса хъулурду, ккутлу, хъякулттив чляруссар. Миннул яла хъунимигу: ссибизаву; шагъват сукку шаву; хлусуд-хлукъудшиву; хурч-мурчшиву; уччиннин дукра дукаву; янна, дукра, хъус, къатри ххуйсса ччаву; халкъунна-яр хъунну, хъинну ччаву. Ми дакъасса мукунасса цайми-цаймигу чляруссар. Му къабуххан ччарча, тлуллая марцину иклянссар. Мунил масала ялагу ккашилсса ккаччил масалар, инсанначла дукансса дик, ччатI духъурча, му дукан ххяхлахисса. Му лихъан бан къашайссар зад къадуртссаксса, я рикъарщус-

саксса. Дукансса зад дакъахъурчари бачива яри чаврил арх шайссар. Мукунамари щяйтлангу инсаннал дак гай сипатирттал дурцуну духъурча, му арх бан къашайссар. Мунил дуканса мири. Минния марцину ухъурчарив, ца Аллагъ клицI лагаврийнугу арх шайссар. Ялагу му щяйтлан Аллагу Тааьланал хъулий бавхлусса ккаччир, тивтлуну хъулурду буна, дянив пардав дакъана Аллагначлан инсан уххан къаитлатисса, нанинайн хъап тисса.

Аллагу Тааьланал гъарца инсаннал ялув малаикгу ацан увну уссар Мулгъим-тисса. Цувагу мунал дакнил урчламур вичилий щя ивкна усса. Мунал хъинмур илгъам бутлатиссар. Ца щяйтлангу мусаллатI бувну буссар вас-вас тисса, цуппагу мунал дакнил куямур вичилий щябивкунма буссар, мунал му къачларчагу, мунил му члалачиссар. Мунил оьмунин вас-васру бутлатиссар, му айкъин уллалаврихун машгъл хъунмассар. Му хъама къаитайссар. Инсаннанни мунияту хавар бакъассар. Му дакнинмагу къабагъайссар.

Яла Аллагу Тааьланал ца тлабиатгу дирхъуссар му инсанна-



ву. Мугу мунал чурххал гъавари. Му тамам бан яла шагъватгу бивхъуссар. Миннул му шагъватирттайн, лаззатирттайн клунклу уллалиссар.

Инсаннал душман: му гъавагу, шагъватрал бувцусса цалва чурхгу, щяйтлангур. Чурххал масала виричюшиву цлакьсса, аслан-къапланнуха лавхъхъуссар, гужрай бакъа байщун бан къашайсса.

Щяйтланул масала бурцил масалар, яттийн ххяхлахисса ца чулухату, ласун къабивтун лихъан барча, тамур чулуха ххяххун лавсун лихъайсса. Мукуна щяйтланулгу ца чулуха айкъин ан къабюхъарча, тамур чулуха айкъин уллалиссар.

ИХИСАН

Цалчинмур бакI

Тавба даву ва мунил агъамшиву

КIулну икIу, «тавба» тIисса махъ аьраб мазрай, «кIурабаяву» тIиссар. Шариаетраву тавбалийн учайссар - Аллагънайн кIура аяврийн, шариаетрай къабучIи бувмуния бучIи бувмунийн. Тавбалул шартIну хъанахъиссар пашман шаву къабучIисса даву даврия, му бунагъ къабитаву, ва вания тинмай къабан дакI дацIан даву. Агарда му бунагъ цама инсаннал хIакърацIал (буржирацIал) бавхIуну бухъурча, дуссар ялагу ца шартI - га хIакъ зана бивтуну га инсан рязи уваву.

Тавба даву буржри, цанчирча бунагъ-рая махъунай шаву – му муданмасса буржри. Тавба – му дарвазалул дарвазари, цихчIин ва дуняллий АллагъначIан иллалисса, ва 1-мур щачIанури цала ччан бизлазисса гайми щачIанттайн гъаз хъун. Тавба давриву дуссар лагънал ххассал шаву ахиратраву цIараву икIаврия. Тавба даврил агъамшиврия бувсуну буссар чIявусса аятирттаву ва хIадисирттаву.

Мяьна: **«Я Аллагънайн вих хъумий! Дувара тавба дакIнихтуну. Яьни пашман хъуну, зува бувсса бунагърачIан ялагу зана къахъун дакI дацIан дурну».** Тафсир «Сави», т 4, с. 250.

Мяьна: **ХIакъну, Аллагънан ххирассар ва лавай айссар бунагъру баврия пашман хъанахъима ва хирассар цала дакI марцI дуллалима. Тафсир «Джалалайн». Ва аятраву пашман хъанахъима – бунагъирттая марцI хъукун тавба дуллалимари. «МарцIшиву» тIисса мукъул мяьна мури - чурххайну (чяпалшиву, нажас м. ц.) ва дакIнийну (дакI хъун даву, цува лавай хъанахъаву, хIусудшиву ва м.ц.)** «Сави», т. 1, с. 144.

Идавсил ﷺ хIадисру тIурча: **«Бунагъ бавриву пашман хъума, бунагъ бувагу къабувманан ккаллиссар».**

Мукунма Идавсил ﷺ махъру: **«Пашман хъанахъима – Аллагънан ххирамари»;** «ХIакъну, Аллагънал къамул дайссар цала лагънал тавба ивчIан махъва-махъсса ссихI ласуннин»;

Идавсил ﷺ бувцусса масала: **«Агар зуяту цанная ца варанттий къундалул билаетрайх найгу ивкIун, варани канища итххавххуну, цайрасса дукия-хIачIиялуцIал ливхъуну, хъирив личлай, ливхъуну бакъа хъуну, луглай лякъин къахъанай, лякъинсса хъулгу бухлавгуну, ккашил ва мякълил ивкIлай, чурххаву хIал бухлавгуну, ивчIан къасттирай ца мурхъирал лув уттугу ивхъуну шанан ивкIун, чантI учайхтту, цалва варани дукия-хIачIиялуцIалсса чIарав лявкъуну ххарил: «Я Аллагъ! Ина ттул лагъра на вил заллур» - куну ххарил мазрава гъалатI ливчусса. ХIакъну, Аллагъ ва инсаннаяр гужну ххари шайссар Цала лагънал тавба дурну Цайна кIурааяйхту».**

Мукунма Идавсил ﷺ хIадис: **«Лагъ пашман хъанахъини, Аллагънал къамул дайссар тавба ва чичайссар мунал ххуйсса аьмаллу, ва чичай малаиктал хъама битан байссар гайннал чивчусса оьккисса давурттал хIасиллу, ва чурххал базурдан хъама битан байссар бувсса бунагъру, хъама битан байссар га бунагъ бувсса аьрцарайсса**

"Адабул марзия"

Гъази-Гъумучатусса шейх Джамалуттиннул



кIану ва ссавнийсса кIану. Га увцуну бучIантIиссар къямасса къини ва Аллагънал ляхъан дурминнаву цичIав

ганайн къаршину барашинна дуванмур къалаякIинтIиссар».

Цаппара аьлимтал тIий бур: хIакъну, бувсса бунагърая лагъ пашман хъанахъиний, ганал буллай ивкIсса бунагъру баххана байссар ххуйсса давурттайн. Укунсса бувчIаву лавсъссар Хъунасса Аллагънал мукъурттива.

Я тавба дуллалима!
Буссар чIявусса махIаттал хъунсса ва машгъурсса къиссарду. Нагу личIий бав гайннува ххюва къисса, Ванийну вин кIул хъунтIиссар Аллагънал цимилул гъартташиву ва Ганал сахаватшиву Цала лагъартуннал чулухунай, гайннал бунагъирттах ва вичи къадишаврих къаурувгуну.

Цалчинмур къисса

Зуннунуль-Мисри буслай ур: «Цал на най уссияв Нил неххал зуманийх. Ттун ххал хъуна ххярклий нанисса скорпион. На чару гъаз бувну га бивчIан ччай уссияв, амма га анаварну неххал зуманив ливхъун лавгуна. Цакуну оьрватIи бувккуну скорпион ганил бурхIайн лавхъуну ганицIал щинавун бувххуна ва неххал тамур зуманив бувккуну. На га скорпиондалул хъирив авцIссияв. Гай кIивагу аьрцарайн лахъайхту скорпион оьрватIул бурхIая ливккуну, ца увччу хъусса адаминал чIарав хъуна. Га адаминачIан найсса шатлуьн ххавххуну къацI увкуну парча буцанну. На га инсан чантI учин увссияв. Гагу ивзуна нигъа увсуну ва гъалак увккуну. Га шатта ххал шайхтту ливхъун авчуна ва на ганахъ куссия: «Нигъа маусара, ина урувччуну уссара ва шатлул заралдания», – яла на ганахъ бувсъссия ккавккмур. Ганал чансса бакI хъхвичIунгу руртуну, савнийнгу урувгуну увкуну: «Ина мукун бувара вихра вичIи къадирхъуминнан, цукун банссар Ина вихра вичIи дирхъуминнан? Хъа буллай ура вил бюхъулийн ва бюхттулшиврийн, на къаикIанна вих вичIи къадихълай ттиния мукъах». Яла аьгу тIий увкуну:

Я шанашима, Лавайманал урувччума, Гъарца иширая, хъхъуниву хъанахъисса. Цукун бюхъайссар ярунница шанан, къачIалай Бюхъу бума Хъинмур ва цIими Цаяту нанисса.

КIилчинмур къисса

Къисса бувсуну бур ца курдая, ххулийх нанисса инсантурал ххуллу къуьклай гайннаца хъус зехлахисса. Ганал бувсуна: «ЩяивкIун уссияв на ттула гъалмахтурацIал. Жу бувккуру хъямалашин данну тIий ва бивру чассагул мурхъру бусса кIанайн. Гай чассагул мурхъирдаву ца мурхъирай чассаг бакъая. Цакуну жун ххал хъуна, шярлу чассаг ххяхлахисса мурхъирай чассаг лавсун, лахънийн чассаг бакъсса мурхъирайн биян буллай. Га иш тикрал хъуна ацIийла. На ганих уруглай унува, ттун гъира багъуна гикку ци дури ххал дуван. Чассагул мурхъирайн лахъайхтту, ттун ганил бакIрай ххал хъуна мурчIисса шатта къацI тивтIусса, читIугу ганил къацIливун чассагру бичлай. Микку на аьтIавугу дурну учав: «Я ттул Зал, ва шатта, Идавсил ﷺ бивчIан ялув бивхъусса, Ина мурчIи байхтту, ганил чIарав бацIан бунни читIу, ганилсса буллан. Нарив, Вил лагъ, Ина ца акъа акъашиврийн мукIрусса, инсантал хъямала баврихун ва мий нигъравун бутаврихун машгъул унна».

Цакуну ттул дакIнива бавунни ца чIу: «Я пуланма, Ттул къапурду тивтIуссар». На ттула тургу гъаргъуну ттула бакIрайн аьрцигу дирчуну Аллагънайн леххяву тIун ивкIра, тIайласса ххулий ацIан а тIий. «Жу ина багъишла арду» - увкунни гава чIунил. Микку бувкIун ттул гъалмахтал цIухлан бивкIуна: «Вин цивхъуну бур? Ина жу гъалак буккан бувунни». На бусав хъумур. Гайннал увкуну: «Жугу къаритлай буру хъямалашин дуллалаву». Жу экъи личарду жула янна ва ярагъ, лаххарду ихIрамгу, лавгру Маккалив. Жу най шанма гъантта хъукун шярвун бувхру. Гикку хъуна бавкъуна мурчIисса къари. Жу ганил чIарах нанисса чIумал, ганил цIувххуна: «Урив зуву пулансса курд?» «Ур» – учарду. Ганил царай яннагу дурккуну увкуну: «Ттул арс ивкIунни, вайгу къариртун. Шанна хъхъуну Идавс ﷺ макIра укIлай ттухъ увкуну: «Вай янна пулансса курдначIан диян дува», - тIий. Ларххуну гай яннардугу жу лавгру Маккалив. Яларив хъумур хъуна.

ХIАМИС

Къавтилул цIарал къаркъсса тIама ччуччайсса кунна, бурушинттал инсаннал хъинсса цIагу, мунал дурцири хъинсса давурттивугу зия дуллалиссар

СУФИЙТУРАЛ БУСАЛАРДУ

ХIикаят

Аьбдулла бин Муаззиннул бувсуну бур: Ца чIумал тIаваф дуллалиний, ттун ккавккуна къяьбалул чIарав агъсса адимина.

Га ия леххаву тIий «Я Аллагъ, була ттун Ина, на бусурманчувну ивчIансса бивкIу» - тIий. Га миннат бакъа, ганал цамур миннат бакъа. На учав ганахъ: «Ина циванни цамургу цичIав чIа къаучайсса Аллагънахъ?» – куну. «Вин ккавккун бивкIиссания ттун ккавкмур, ина ттухъ му къацIуххинтIиссия» – увкуну ганал. «Вин ци ккавкксар?» – цIуххав нагу.

«Ттул буссия кIия уссу. Хъунама уссу 40-лла шин мизитраву муаззинну зий уссия. 40-лла шинай, Аллагънахлу, ганалоьвчайссия бусурмантурайн чаклин. Амма ганачIан бивкIу бувкIукун, ганал цацIанма Къуръан ласияра увкуну. Жу буссия ганан махъва махъгу ччай бухъунссар Къуръан буккин тIий. Буларду ганахъхъун Лу. Уссил Лугу канил бувгъуну, цияннал хъхичI увкуну, цува га Луттирайн вихну акъашиву. Мий махъругу увкуну ганал къамул дуруна ххач-параснал дин, ва ивкIуна христиан хъуну. Га увччуну махъ, кIилчинма уссу муаззинну зун ивкIуна мизитраву. Микку зий, муналгу дурна 30-ра шин. БивкIу бувкIукун, ганалгу дурна га хъхичIама уссил дурмур, вагу ивкIунни христиан хъуну. Утти нагу нигъа увсуну ура, ттула бакIрачIан му бала къабувкIиния тIий ва миннат буллай ура Аллагънахъ ттул дин я дува, тIий».

На цIувххуссия ганахъ «Цира ци дуллай бия вил уссурвал цала бивкIурду лиян бан?»

Ганал жаваб дия: «Хъаннил хъирив буругайва, цалва яру бунагърая къабуруччайва».



ИХИСАН

Шариаьтрал, тариькьатрал,
хлакьикьатрал баян

Утти, тариькьат ласун ччисса инсанналгу, хьхьичива - хьхьичи шариаьт бугьан аьркинссар. Марцну шариаьт кьабувгьусса инсаннан тариькьат хласул кьашайссар.

Шариаьтрал масала мурхьирал масалар. Тариькьатрал масала муниьсса члавчал (кьяр-трал) масалар. Мяьрипатрал масала муниьсса члапал масалар. Хлакьикьатрал масала муниьсса ахьулсаннул масалар. Шариаьт хларанмур кьаритавури, тариькьат хларанмур кьаритавури. Ми клирагу дакьа мяьрипатгу, хлакьикьатгу хласул кьашайссар. Муьминчуннан муьква даира (ккуруг) буссар. Хьхьичива - хьхьичимур даиратушшариаьтри. Яла даирату-титариькьатри. Яла даирату-мяьрифатри. Вай шанмагу даиралувун увххума чурххал гьавалиятугу, щяйтланнул вассасирттаятугу хали (марц) кьашайссар. Муькьилчинмур - даиратул-хлакьикьатри. Муни-вуннив я чурх, я щяйтлан, я малаик, Алагь акьама ухан имкан бакьассар (кьабухьайссар). Буххарча ччуччайссар. Разакьаналлагь.

Кьурьаналуву буссар укунсса маьна дусса аят: Миьражрал хьхьуну Алагьнал Идавс ссавнийн гьаз увсса члумал Джабраил малаикгу архлалуссия. Сидратулмунтагьа тисса кланайн бияйхту увкусар Джабраиллул: «Тти инава насу, вания тихунай на ттигу ца ша барча ччуччинтиссара», - куну.

Му даражалыйн ивну, му даиратул-хлакьикьатравун увхсса Алагьнал лагь ссалчлав айкьин ан кьашайссар, хлакьсса, мухлиьсса валийнугу иклайссар. Мунан Алагьнал чулула ладунийсса элмугу хласул шайссар дукьаркуна файзрайну, цакуну цимур ца элму дуртуну. Кьудусийсса (караматшиву дусса) рухлругу члалан диклайссар. Ялари мунан хлакьикьатрайну Алагьгу, Расулюллагьгу кьул шайсса.

Идавсил увкусар: Элмурдаву дуссар мукунса кьюлтисса элму, так ца Алагьначлан гьансса, Алагьначлан хас бувсса аьлимтуран бакьа кьакьулсса. Миннал му бусларчан, бьвкьумий муниьин инкар булантисса.

Ялагу хлакьикьатрал маса-



ла хьхьиривусса ттеркьокьал масалар. Тариькьатрал масала хьхьирил масалар. Шариаьтрал масала хьхьирийсса жамилул масалар. Утти, гай хьхьиривусса ттеркьокьив ласун ччима, жамилий буртти ивкьун, хьхьиривун увххун акьа ми ласун миннучан кьаияйсса куна, шариаьтгу тариькьатгу хласул кьадурнухлакьикьатралдаражалыйн кьаияйссар. Шариаьтрал янна ларххун загьир (яьни, чурххал байсса аьмаллу) ххуй бан аьркинссар, хлакьикьатрал нур дакьиниву загьир (хласул) хьун ччарча. Шариаьт чайсса ялагу Алагьнал ба кумур бувну, мабара кумур кьабуну, хларанмур тлалав дурну, хларанмур кьариртун гьарца ишираву Алагь рязи шайсса куцуй иклаврийни. Тариькьатри - шубгьа бумургу (хларамсарбав хларалсарбав тий цак бумур) кьабивтун, мюхчанмур, хларанмур дакь дарцумур бугьавури. Алагьначлан гьан шайсса, макьаматирттайн лахьайсса, даражарттайн ияйсса - машаихтурал тариькьатру бугьавурийнури. Ми ишру нани кьабувма щайх кьаиклайссар. Масала: Ца шайхри, валийри тисса инсан ухьурча гьаваллаву лехлай, хьхьирирдал ялтту занай, миннун лархьхьусса цайми караматру, кашфурду члалачи дуллай, амма кьасттирай Алагьнал фаризарттугу кьабуллай, Идавсил суннатругу кьабитлай, оьну зиясса уну - му щайхгу акьари, мунал ми караматшивурттугу дакьари.

Му каззабри (щялмахьчи), сахирди (сихричи), макирди (бьйкьин буву), хьаврин бувур. Мунайн вих машарача.

ККАЗИТРАЛ СУАЛ

Лакку мазрайсса «Ассалам» кказитрал дайдиьхлай бур «Кказитрал суал» тисса рубрика. Хлурмат бусса уссурвал-ссурвал, оьвчияра ва телефондалувух 8 988 699 46 79, бусияра зула пикри, дулара суаллахьхьун жавабру.

– Экстремизмалущалсса талатавриву цукунсса клану бугьлай бур кказитирттал, журналлал, телевидениелул (СМИ)?

– Хлукуматрал СМИрая бухьурча ихтилат, миннул инсантал гьалак буккан буллай бур, инснтурал дянив кьасттирай хлусудшиву рутлай бур. Миннул паракьатну битлай бакьар диндалуха зузимий, ваьгьабтурал бясччал гьаз буллай бур миллатру куннайн ку бичлай бур ва м. ц. Бусурман диндалул СМИ чансса бур, миннул буслай бур Исламрая тйламур, бувчин бувай ваьгьабтал царив, Ца Алагьнайн бакьа, цаманайн икрам-эбадатданкьабучишиву. Амма ччива гьарца задряя бувчинну чичирча.

8-988...27

Экстремизмалущал талатавриву хьунмасса клану бугьлай бур СМИ. Цаппара СМИ-лул реклама дувай ваьгьабтуран, ми марцисса Исламрахлу буклай буссар тий. Ца-ца члумал хлукуматрал бакь дургьумийгума буккай миннахлу. Иншааллагь, жу, бусурмантал, минная нигьа кьабусанну, гьарца кланттай бусланну ккаккан буланну мий ца буссарив, мий бушиву Исламрал душмантурал хьхьичух ккуруй, Исламрал ца яларай рутлай.

8-928...63

Ислам ппив давирву хьунмасса клану бугьай бусурманнал СМИ-лул. Мукун бакьассания, кьалитлантиссия Ислам ххирасса журналисттал

8-988...32

Бусурманнал СМИ-лул буслай бур ваьгьабтурайсса тйламур, мий бушиву жаьгилминнал душмантал, Исламрал душмантал. Дуаь дуллай ура, Алагьнал буруччиннав «Ассалам» кказитрал коллектив.

8-963...93

На СМИ-лин кьавихра.

8-903...17

СМИрал кумаг банссия тйлану чичлай бивкьссания. Чйавуну мий бацай зулму буллалисса ваьгьабтурал чулух, миннал литлатиминнай цими кьабуну.

8-903...16

СМИрал чичлав асар биян буллай бакьар. Хлукуматрал хьуниминнан экстремизм аьркинну дур. Мукун кьабивкьссания, му гацана бат дантиссия. Му дакьахьурча мий ссаха зунтиссар?

8-988...50

Хлакьну, СМИ аьркинну бур. Мий Бакьассания, щил бувчин бантиссия Дунияллий хьанахьимур?

8-988...49

Хьунмасса клану бугьлай-ссар. Ислам цирив кьакьулсса чйавусса инсантал бур. Миннал Исламрая буслай бур.

8-988...18

«Ассалам» кказитрал, радио «Ватандалул» кумаг буллай бур хьанахьимунин инсантурал яру титин.

8-928...98

Машааллгь! «Ассалам» кказитрал тйлабаццу баннав!

8-988...68



Чйавумий оьруснал сайтирдаву ваьгьабтурал чул бувгьуну бур. Мий бур тариькьатрай бухьтан бихьлай, цияв бусурмантал питнардудуваймири тлар. На миннайн кьавихра.

8-901...93

Чйавуну СМИ бур царавун ччучция дичлай, цу хьиннура гуж хьуншиврул.

8-988...28

Цуну буккантимур кказитрал суал: Кулпатрал дяниву яла агьаммур цири? Жавабру гьан дуvara ва номерданийн.
8-988 699 46 79

Рузнама

ИЮНЬ

Дни	Утренний. Ас-Субхл	Восход	Обеденный Аз-Зугьр	Послеобеден. Аль-Паср	Вечерний Аль-Магьриб	Ночной Аль-Гишаь
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Зунттал районнай чак байссар 15 минутрал члалну.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Редактор

Сиражуддин КУРБАНОВ

Канонический редактор

777

Корреспондент

Гумаюн КАЛЛАЕВА

Корректор

Курбанисмаил АМИРОВ

Менеджер

Мухаммад ХИРИЯСУЛАЕВ

Компьютерная группа

Асият ХАНОВА
Ахмад МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Сдано в печать 25 мая 2009 г.

Тираж 2700 экз.

Адрес редакции

367015, РД, г. Махачкала,
пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам:
по Республике Дагестан – 8-988-699-28-24
по г. Махачкале – (8722) 914-222.

E-mail: info@assalam.ru;

www.assalam.ru